

IZVJEŠTAJ

O REZULTATIMA PROVEDENOG PROCESA KONSULTACIJA NA NACRT STRATEGIJE RAZVOJA OPĆINE ILIJAŠ ZA PERIOD 2021.-2027. GODINE

U skladu sa članom 20. Zakona o razvojnom planiranju i upravljanju razvojem u FBiH ("Službene novine FBiH", br. 32/17), te članom 17. Uredbe o izradi strateških dokumenata u FBiH ("Službene novine FBiH", br. 74/19) i članom 2. Zaključka Općinskog vijeća Ilijaš br. 01/1-02-602-18/22 od 23.03.2022. godine, povodom utvrđenog Nacrta Strategije razvoja Općine Ilijaš za period 2021.-2027. godine (u daljem tekstu: Nacrt Strategije) proveden je proces konsultacija u trajanju od 30 (trideset dana).

Proces konsultacija je otpočeo 07.04.2022. godine. Nacrt Strategije je prethodno objavljen putem "web" stranice Općine Ilijaš, <http://www.ilijas.ba>, te je dostavljen nadležnim, odnosno partnerskim institucijama. Također je organizirana mogućnost "on-line" konsultacija u prethodno utvrđenom terminu. Tokom procesa konsultacija je omogućen i javni uvid u Nacrt Strategije, što je organizirano u sali Općinskog vijeća Ilijaš, svim radnim danima u terminu od 14:00h do 16:00h. Putem "web" stranice Općine Ilijaš je objavljeno i Uputstvo o načinu učešća u procesu konsultacija.

Na Nacrt Strategije je pribavljeno pozitivno mišljenje iz Federalnog zavoda za programiranje razvoja i pozitivno mišljenje iz Zavoda za planiranje razvoja Kantona Sarajevo, odnosno nadležnih institucija za izradu strateških dokumenata na višim nivoima vlasti (nivo Federacije BiH i Kantona Sarajevo). Pribavljena pozitivna mišljenja se odnose na aspekt primijenjene metodologije, sadržaj dokumenta, ali i pitanje usklađenosti sa strateškim dokumentima viših nivoa vlasti.

U sadržajnom smislu u odnosu na Nacrt Strategije, a nakon provedenog procesa konsultacija, u Prijedlogu Strategije je nepromijenjen broj projekata. Također je nepromijenjen broj strateških i prioritetnih ciljeva, te mjera, dok je u finansijskom smislu povećan ukupni indikativni okvir za provedbu Strategije sa 77.111.000,00 KM na 77.251.000,00 KM.

Nakon provedene analize prispjelih prijedloga, mišljenja i sugestija, te ispravke uočenih grešaka, odnosno izvršenih ažuriranja, u tabeli koja slijedi dajemo pregled rezultata provedenog procesa konsultacija, odnosno listu izvršenih korekcija unutar Nacrta Strategije, čime su ispunjeni uslovi promjene statusa dokumenta iz utvrđenog Nacrta u formu Prijedloga Strategije razvoja Općine Ilijaš za period 2021.-2027. godina.

| R/B | Dostavlja | Predmet intervencije | Stav predlagača |
|-----|---|---|--|
| 1. | Federalni zavod za programiranje razvoja, akt br. 01-24-5-65-4/22 od 13.05.2022. godine | Prijedlog 1. U poglavlju "USKLAĐENOST", str. 8., tabelarni pregled, kolona IV (Ciljevi održivog razvoja do 2030.), potrebno je brisati/isključiti cilj pod naslovom: "14. Očuvanje vodnog svijeta". | Prijedlog uvažen. <u>Obrazloženje:</u> Referentni dokument "Okvir za realizaciju ciljeva održivog razvoja u BiH" ne tretira cilj Agende 2030, pod naslovom: "14. Očuvanje vodenog svijeta". |
| 2. | Federalni zavod za programiranje razvoja, akt br. 01-24-5-65-4/22 | Ispravka greške 1. U poglavlju "USKLAĐENOST", str. 9., tabelarni pregled, kolona II Prioritetni cilj na nivo Federacije BiH: "Povećati odgovornost na krize", nije numerisan. Izvršena ispravka, tako | Izvršena ispravka greške. |

| | | | |
|----|--|---|---|
| | od 13.05.2022. godine | da glasi:: "3.6. Povećati odgovornost na krize" | |
| 3. | Udruženje za zaštitu kulturno-historijskog naslijeđa i edukaciju mladih "Arhium", Ilijaš, akt br. 06-04-021/22 od 06.04.2022. godine | Prijedlog 2. Unutar Strategije planirati projekat pod naslovom "Osnivanje zavičajnog muzeja Ilijaš" | Prijedlog uvažen. <u>Izvršene korekcije:</u> Projekat je uvršten u Indikativni finansijski okvir, pod red.br. 3.4.3.4.. Također su izvršena ažuriranja vezanih poglavlja za Indikativni finansijski okvir, i to: Poglavlje 6. "Prilog 1: Sažeti pregled strateškog dokumenta" i Poglavlje 7. "Prilog 2: Detaljnji pregled mjera" |
| 4. | Zijada Krvavac, pomoćnica ministra, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, prijedlog dostavljen putem e-mail-a | Prijedlog 3. Projekat pod naslovom "1.1.1.4. Iznalaženje i definisanje prostora za novu industrijsko-poslovnu zonu na području općine Ilijaš", preimenovati u projekat pod naslovom "1.1.1.4. Studija mogućnosti i izvodivosti uspostave nove industrijsko poslovne zone". | Prijedlog uvažen. <u>Obrazloženje:</u> Prijedlog je opravdan zbog potrebne provedbe sveobuhvatne lokacijske analize, te analize uticaja predloženog projekta na okoliš. <u>Izvršene korekcije:</u> Izvršena je izmjena unutar Indikativnog finansijskog okvira sa prilagodbom potrebnih finansijskih sredstava. Također su izvršena ažuriranja vezanih poglavlja za Indikativni finansijski okvir, i to: Poglavlje 6. "Prilog 1: Sažeti pregled strateškog dokumenta" i Poglavlje 7. "Prilog 2: Detaljnji pregled mjera" |
| 5. | Zijada Krvavac, pomoćnica ministra, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, prijedlog dostavljen putem e-mail-a | Prijedlog 4. Projekat: "1.2.2.2. Izrada karte početnog stanja ložišta na području općine Ilijaš" nije potrebno uvrstiti u Strategiju razvoja jer je izvršen popis ložišta na nivou Kantona Sarajevo, tako da umjesto navedenog treba planirati projekat pod naslovom "1.2.2.2. Podrška implementaciji mjera za ograničenje korištenja uglja i ostalih čvrstih goriva u individualnim ložištima" | Prijedlog uvažen. <u>Izvršene korekcije:</u> Izvršena izmjena unutar Indikativnog finansijskog okvira sa prilagodbom potrebnih finansijskih sredstava. Također su izvršena ažuriranja vezanih poglavlja za Indikativni finansijski okvir, i to: Poglavlje 6. "Prilog 1: Sažeti pregled strateškog dokumenta" i Poglavlje 7. "Prilog 2: Detaljnji pregled mjera" |

| | | | |
|----|--|---|--|
| 6. | Zijada Krvavac, pomoćnica ministra, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, prijedlog dostavljen putem e-mail-a | <p>Prijedlog 5. Planirati projekat pod naslovom: "Izgradnja nove kotlovnice u skladu sa Studijom jačanja i širenja daljinskog grijanja"</p> | <p>Prijedlog nije uvažen.</p> <p><u>Obrazloženje:</u> Zbog lokacijsko-tehničkih, odnosno izvedbenih ograničenja, koja nije realno otkloniti u periodu trajanja strateškog dokumenta. Osim navedenog predloženi projekat iziskuje značajna finansijska ulaganja, a postojeća kotlovnica u Ilijašu nije dosegla projektirani, odnosno planirani nivo eksploatacije. Prijedlog će se ponovno razmotriti kada se stvore pretpostavke za realizaciju istog, te će u tom slučaju biti planiran u novom ili postojećem, a revidiranom strateškom dokumentu</p> |
| 7. | Zijada Krvavac, pomoćnica ministra, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, prijedlog dostavljen putem e-mail-a | <p>Prijedlog 6. Unutar Strategije planirati projekat pod naslovom "Izrada akcionog plana za smanjenje čestica prašine i sumpor – dioksida za petogodišnji period", predloženi projekat je bitniji od projekta pod naslovom "1.2.2.1 Izrada Lokalnog ekološkog akcionog plana (LEAP) plana)</p> | <p>Prijedlog uvažen.</p> <p><u>Izvršene korekcije:</u> Izvršena izmjena unutar Indikativnog finansijskog okvira sa prilagodbom potrebnih finansijskih sredstava. Također su provedena ažuriranja vezanih poglavlja za Indikativni finansijski okvir, i to: Poglavlje 6. "Prilog 1: Sažeti pregled strateškog dokumenta" i Poglavlje 7. "Prilog 2: Detaljnji pregled mjera"</p> |
| 8. | Udruženje građana "Ruka podrške", akt br. 001/22 | <p>Prijedlog 7. Da se udruženje građana "Ruka podrške" unutar strateškog dokumenta prihvati kao partner Općine Ilijaš u oblasti poboljšanja socijalne zaštite građana općine Ilijaš, čime bi se udruženju omogućilo apliciranje na javne pozive Općine Ilijaš.</p> | <p>Prijedlog nije uvažen</p> <p><u>Obrazloženje:</u> Općina Ilijaš ne može favorizirati partnerstvo i dodjeliti poseban tretman određenoj nevladinoj organizaciji. Sredstva podrške radu nevladinog sektora koja se dodjeljuju iz Budžeta Općine se isključivo dodjeljuju na bazi javnih poziva koje raspisuje Općina Ilijaš na programskoj osnovi.</p> |
| 9. | Interno – Općinski načelnik i Komisija za izradu Strategije | <p>Ispravka greške 2. Unutar Indikativnog finansijskog okvira uočeno je ponavljanje projekta pod naslovom: "Izrada karte početnog stanja ložišta na području općine Ilijaš", i to pod red. br. 1.1.1.4 i 1.2.2.2.</p> | <p>Izvršena ispravka greške.</p> <p><u>Izvršene korekcije:</u> Izvršeno brisanje projekta pod red.br.</p> |

| | | | |
|-----|---|--|---|
| | | | 1.1.1.4. Također su provedena ažuriranja vezanih poglavlja za Indikativni finansijski okvir, i to: Poglavlje 6. "Prilog 1: Sažeti pregled strateškog dokumenta" i Poglavlje 7. "Prilog 2: Detaljniji pregled mjera" |
| 10. | Interno – Općinski načelnik i Komisija za izradu Strategije | Ispravka greške 3. Na stranici 138. unutar utvrđenog Nacrta Strategije ispravlja se greška u tabeli br. 53., tako da umjesto upisanog podatka u koloni III tabele, koji glasi: "2016", treba da stoji: "2019", zatim u koloni IV iste tabele, umjesto upisanog podatka: "Index 2016/2010, treba da stoji: "Index 2019/2016" | Izvršena ispravka greške. |
| 11. | Interno – Općinski načelnik i Komisija za izradu Strategije | Ažuriranje podataka 1. Na stranici 51. utvrđenog Nacrta Strategije izvršeno je ažuriranje upisanih podataka sa aspekta novih zakonskih rješenja, umjesto prethodno upisanih, navode se novi propisi, i to: "Zakon o zaštiti okoliša ("Službene novine FBiH", br. 15/21)", te "Uredba kojom se utvrđuju pogoni i postrojenja koji mogu biti izgrađeni i pušteni u rad samo ako imaju okolinsku dozvolu („Službene novine FBiH“ broj 51/21)" | Izvršeno ažuriranje |
| 12. | Interno – Općinski načelnik i Komisija za izradu Strategije | Ispravka greške 4. Na stranici 288. utvrđenog Nacrta Strategije, brišu se tačke a), b) i c), kao suvišne, a uvodni stav se pojednostavljuje i glasi: "Evaluaciju ovog strateškog dokumenta pokreće općinski načelnik Odlukom o pokretanju procesa evaluacije Strategije razvoja općine Ilijaš za period 2021.2027. godina." | Izvršena ispravka greške. |
| 13. | Interno – Općinski načelnik i Komisija za izradu Strategije | Ažuriranje podatka (prilagodba forme) br. 2. Na stranici br. 187. utvrđenog Nacrta Strategije je izvršena prilagodba forme Izjave o viziji razvoja općine Ilijaš, tako da glasi: "U desetogodišnjem periodu općina Ilijaš će težiti da se razvija kao: "Stabilna i sigurna lokalna zajednica, čiste životne sredine, povoljnog poslovnog okruženja i ujednačenog urbanog i ruralnog razvoja" | Izvršeno ažuriranje. |